

# 嶺南學報 Lingnan Journal (1929-1952)

Volume 7  
Issue 1 第七卷第一期

Article 5

January 1947

## 一八九五年台灣民主運動失敗之原因 = Causes of the collapse of the Formosan Republic

Fung SUN

Follow this and additional works at: [https://commons.ln.edu.hk/ljcs\\_1929](https://commons.ln.edu.hk/ljcs_1929)



Part of the Chinese Studies Commons

---

### Recommended Citation

晨風(1947)。一八九五年台灣民主運動失敗之原因。《嶺南學報》，7(1)，59-72。檢自：  
[http://commons.ln.edu.hk/ljcs\\_1929/vol7/iss1/5](http://commons.ln.edu.hk/ljcs_1929/vol7/iss1/5)

This Article is brought to you for free and open access by the Scholarly Publications of Lingnan University (Guangzhou) at Digital Commons @ Lingnan University. It has been accepted for inclusion in 嶺南學報 Lingnan Journal (1929-1952) by an authorized editor of Digital Commons @ Lingnan University.

# 一八九五年台灣民主運動失敗之原因

晨 風

引言——乙未台灣淪日史實，我國史籍，以姚錫光東方兵事紀畧敘述最詳，然只根據一方面材料，紀事頗多疏舛。王芸生氏六十年來中國與日本第三卷，臚列外交文件，於甲午戰後張之洞等欲運動俄法等國出阻割台本末，陳述甚悉；唯搜索史料，尙多遺漏。久欲鳩集中日英各國史料中與是役有關者，加以整理，試補此台灣史中重要之一頁，顧學力既有未逮，而若干重要書籍，如美國外交關係（一八九四年度）及連雅堂台灣通史等，迄未有寓目機會，遂不敢率爾執筆。茲篇就台灣民主運動失敗之原因，畧抒鄙見，不敢自謂有所創獲，亦欲以供學界參攷之資，並爲他日增補之底稿而已。方聞君子，幸垂教之。

台灣民主國成立於光緒廿一年五月初二日（一八九五年五月廿五）至十二日（六月四日）唐景崧出走歸於崩潰。前後只十一日。梁任公詩有「曾聞民主國，奄忽落人間」之句，即指此也。台灣民主國之覆亡，何以如此迅速？此爲深可注意之問題。

江山淵邱逢甲傳云：

「兵事將起，清廷以景崧知兵，特命代邵友濂爲巡撫，然景崧既與(劉)永福共事於越南意見不同，怨仇日深。既爲台撫，遂自守台北，移永福軍於台南，逢甲以景崧雖號知兵，而防禦敵寇遠不逮永福，全台形勢盡集於台北，台南非其比。……景崧一人守台北，無永福以助之，恐守之非易。台北破，台南將孤守無能爲矣。乃急請二人許，爲之調停意見，思所以阻永福之軍勿使行，焦脣敝舌，繼之以泣，景崧卒堅持不爲動。二軍遂分。……厥後景崧坐誤事機，台北失守，永福孤守台南，相持數月，卒無以救台灣之亡」。（註一）

（註一）小說月報六卷三號 亦見嶺雲海日樓詩鈔附錄

江氏對唐景崧抱有成見，以唐劉分軍為台北失守主因，今按其說與事實不合。

唐景崧調永福一軍赴台南之紀事，首見於姚錫光東方兵事紀畧。姚著繫福軍抵台北於甲午七月，又謂次年二月移永福於台南(註二)割台記(註三)清史稿(註四)俱從其說。惟考之當日文獻，則永福一軍，奉命渡台係巡調台南，並未先至台北，其調台南，為邵友濂之命令。甲午八月初一日，邵致樞垣電：

「基隆滬尾，為台北最要海口，計舊有新增共四十營，楊歧珍准軍宿將，如令其總統各軍，呼應較靈。台南兵力尙單……劉永福已行抵汕頭，先如到台北再到台南，頗多周折已囑其徑赴台南，與鎮道妥商佈置」。(註五)

事皆施行。當時邵與唐景崧暗鬥，永福之歸清，與唐關係綦切，故邵目劉為唐派，因調之往台南，而以軍權付之出身淮軍之楊歧珍也。其後景崧疏訐邵氏，其藉口之一，即為邵之調劉，事先未與己洽商。由是益見劉調台南，非但不出於唐，唐事前並未知也。

至唐劉交惡，事誠有之。景崧接署台撫後，永福曾往台北，與之協商，意見不合。

(註六)其後惡感漸深，張之洞於甲午十一月電唐云：

「劉鎮永福在台得力否？現帶幾營有舊部否？如無大益，擬調來上海帶粵勇。……滬上粵人甚贊劉，其性情長短久已知，不過取其虛聲，號召粵人耳。……如承允許速示覆。」(註七)

唐卽日回電贊同。時劉軍兩營，舊部只吳鳳典二百餘人，新募四營未到。(註八)其後因台防緊急，調江事遂作罷論。乙未一月，張知唐劉不睦，電李秉衡云：

(註二)東方兵事紀畧 左舜生中國近百年史資料續編本頁二二五至二二六

(註三)羅惇曇割台記 中國近百年史資料初編本頁三九零。

(註四)清史稿二百五十唐劉列傳。

(註五)清季外交史料 卷九十五 頁六

(註六)羅香林：劉永福歷史草一八三至四。此書據劉自述，唯紀事亦不可全信。

(註七)張文襄公電稿 卷十七 頁八

(註八)同上

「煙台已危，若我軍能攻煙台之賊，彼攻榆關……之力自分。擬調劉永福赴東助剿。劉在台鬱鬱不得志，與唐徽卿有意見，極願內渡。」（註九）

並同時電唐促劉成行，惟不久李秉衡覆電謝絕，而澎湖防急，事又中止。張之洞乃分電唐劉爲之調解，對唐則望「畧（劉）所短，曲意聯絡……當能效臂指之力，」對劉則謂「切盼兩君同心，必能破賊成功。」（註十）結果唐劉感情，維持無大破裂。

從上足見唐劉情感問題，對台事無大影响。黑旗軍自始即駐台南，無轉調事。且台北守軍由楊歧珍指揮，兵力雄厚，共達七十餘營，在勢亦無待永福區區六營之助。故江山淵之論，實未諦也。

台北失陷之主因，鄙見以爲在當時政治舞台上兩大派之傾軋。

甲午戰爭中，清政府中有后派與帝派之對立。后派以李鴻章爲中心，傾向慈禧；帝派傾向光緒，以翁同龢，李鴻藻爲中心，而復有疆吏張之洞等之聲援。戰事過程中，翁派叫囂主戰，而陰掣鴻章之肘，中國戰敗，此亦一因。日本陸奧宗光曾痛論之。指爲中國人之自殺。（塞塞錄）事爲治中國近代史者所共詳，可勿深論。當時之暗鬥，不僅限於京師，抑且及於邊省。戰事初啓時，台灣文武官吏，如巡撫卻友濂，提督楊歧珍，俱屬李派。而唐景崧則屬翁派。清軍既屢戰皆北，鴻章失勢，得詔申斥。景崧乃乘機排斥卻友濂於九月十二日致電樞垣云：

「景崧奉命辦台防，而撫臣卻友濂以楊歧珍統基滬各軍。劉永福赴台南……一切軍務不令與聞，伏懇天恩銷去辦台防差使，情願帶營北上，效命何恨乞代奏。」（註十一）

清廷旋下令責問卻，詞頗切峻，又命閩督譚鍾麟察視唐二人，孰爲得力。譚於十五日電覆樞垣，指責卻「本不知兵師心自用」亦謂唐之許奏爲不顧大體，語尚持平。然卻已不安於位，請另簡大員接任。（註十二）卻遂調任湘撫，台撫由景崧署理，此翁李兩派之小鬥爭也。

（註九）張文襄公電稿 卷十九 頁七 此電一月廿三日發

（註十）張文襄公電稿 卷二十 頁四 兩電俱二月廿三日發

（註十一）清季外交史料 卷九十七 頁二十 （註十二）同上，卷九十七，頁廿一。

光緒廿一年二月，李鴻章奉命赴馬關與日本作讓和談判。時已廣傳有割台之說，張之洞於二月初七日電鴻章查詢情況，未得要領。俄接汪灝密電，知清廷決意割台，之洞乃發起保台運動。<sup>(註十三)</sup>首奏請向英借款，以台作押。總理衙門詢之赫德，赫答以各國俱守局外，勢不能行。<sup>(註十四)</sup>清廷乃諮詢之洞有無確實辦法。之洞遞分電倫敦龔照璫，俄京許景澄請進行藉外力商阻割台。龔許均覆電，謂無辦法。<sup>(註十五)</sup>

迨馬關條約簽字，(三月廿三日，西四月十七日)中有割台之款。張之洞進行益亟，與唐景崧函電往來，密商阻止之法。一面由張唐分電總理衙門，阻割台灣，以民不服日為理由。一面則經俄使王之春在巴黎向法求援。然之春與龔照璫(駐英法二國公使)不和，遷延無所成就。四月十七日(西五月十一)法以三國既干涉遠遼，不願再與聞台事，其駐清公使施阿蘭遂通知總理衙門，拒絕對清援助，並要求王之春速離法京，赴俄就任。<sup>(註十六)</sup>張之洞之企圖歸於失敗，主戰派受一打擊。<sup>(註十七)</sup>

煙台換約後，日本任命樺山資紀為台灣總督，全權接收台灣。並照會清廷，限於兩週內實行交割。時清廷清議，反對言和，集中攻擊李鴻章。清政府竟從刑科給事中謝雋杭議，派李經方為全權委員，赴台交割。<sup>(註十八)</sup>此舉顯在羞辱李父子。鴻章在衆口詆譭下，處境困難。李經方時在上海，稱病不肯赴任，鴻章於四月廿六日電促成行，並娓娓為之畫策。<sup>(註十九)</sup>乃經方尚未啓程，而台灣忽有民主之局，使李父子處境更難，處此情境，李對台灣民主國自將極力破壞矣。

(註十三)張文襄公電稿 卷十九 頁十八至十九

(註十四)(註十五)張文襄公電稿 卷十九 頁廿二至廿四

(註十六)張之洞，王之春在法運動經過，具見王芸生輯六十年來中國與日本第三卷第十七章第二節，王輯已詳引各外交文獻，本文不再列舉。

(註十七)據王之春之紀載，法對台初亦意圖染指，法報載法政府擬派四兵輪，裝三月煤赴台，後始知難而退見使俄草卷七光緒廿一年四月十六日日記。

(註十八)清光緒朝中日交涉史料 卷四四 頁三十

(註十九)李鴻章父子不欲負割台重任，見 Foster: *Diplomatic Memoirs* p. 148 轉引自 H. B. Morse: *International Relations of the Chinese Empire*, Vol. 3.

p51, note 110. 李致經方電，見李文忠公電稿 卷二十 頁六十三

台灣民主國之成立，其近因固爲台省紳民之憤激，背而後實有張之洞一派之鼓動與支持。四月底民主之計劃已將成熟，景崧曾與之洞電商，欲清廷與以事後不加責問之密據。(註二十)並求之洞助餉，之洞對民主大體贊同，但謂唐稱總統，名目太大，朝廷必不肯予以密據。(註廿一)張對台灣曾匯款三十萬相助，至台北敗潰時尙電致唐景崧云：

「台地廣，倭兵少，但存一府一縣，即有生發，相持三月，各國必有出頭者，僕當力籌，即台北府爲倭占，仍可自存。」(註廿二)

亦可見張之勇於自信矣

至唐景崧當時之接受台灣民主國總統職任，依其事後自述，亦由於深信但能堅守外交局面必有轉機。景崧內渡後上李鴻藻書有云：

「亦知萬衆之情，事成則堅，事敗則解，然睹台民遭茲慘變，不忍遽舍，………癡望爲一線之延，以待轉機，而一身禍根，即伏於此，當日只知爲國謀，爲民謀，而絕不爲身謀………自立必有名目，必須布告，待外洋各國認台自主，始能商結外援，此西例也，………台民所送旗印，因爲民劫制，無計擺脫，不得不從所請，原未嘗即以非分自居。………」(註廿三)

(註二十)張文襄公電稿 卷廿二 頁六 (註廿一 同上,頁十二)

(註廿二)張文襄公電稿 卷廿二 頁二十此電五月十三日發，景崧已脫身乘漁舟內渡矣。

(註廿三)唐景崧致李鴻章藻手札，原蹟陳寅恪先生藏，茲據香港大學馮平山圖書館錄本。

雖爲事後彌縫之語，而期盼外國援助之情，則可信也。

李經方於五月初七日自滬啓程赴台，李鴻章已開始破壞台灣民主。四月廿七日李電告經方云：

「………又電楊提督枝珍云，「經方至台澎，弟奉旨撤回，何日料理內渡，屆

時探明行轅，晤商一切爲要」，西園係舊部，誠篤勇幹，現會辦台防」。（註廿四）

楊歧珍得李電後當即服從。台灣紳民留之不得。初八日（五月）歧珍帶兵四營返廈門，餘亦陸續內渡。楊電李報告，李又覆以電云：

「電悉，吾非忍棄台，議約時，日言必發大隊攻奪，請早讓以全民命，今竟欲自立，恐爲地方造劫，且連累國家，弟遵旨內渡，極合正理，林時甫現在何處，勸其早退，留妥人照料田莊，依例辦理」。（註廿五）

按林時甫即林維源，乃台灣首富。是年二月初十日，唐景崧曾致電軍務處，請旨飭令林氏個人籌借軍餉百萬兩。（註廿六）其財力可以概見。林氏之內渡，對台灣民主運動爲經濟上之重大打擊。

台北守軍，原以淮軍爲主力，所守如滬尾澳底，皆爲天險。歧珍撤兵後，澳底兵備甚單，由曾喜照所部新募土勇，「連勝軍」三營駐守。五月初六至初七日（西五月廿九至三十）日軍近衛師圍於澳底登陸。曾軍甫戰即潰。台灣民主國迅速覆亡，實以淮軍內渡爲主因，故民主國諸人物內渡後，其切齒者亦爲鴻章，如邱信海春感（次許蘊伯韻）十首中之二首云（註廿七）

「一夜東風滿鳳城，春愁黯黯共愁生；新年歸燕他鄉感，落日鯨鯢故國情，欵局有人通秀吉，殘疆無計守延平；天涯何限哀時淚，洒向花前月不明。」（其一）

「誰遣風雷起蟄龍，冥冥愁夜遞秋冬；夢回香國春三月，目極蓬山海萬重，置酒未聞平壽勃，奉書還見卓徵邕；欲將筆削修花史，墜溷飄茵聽所逢。」（其五）

即皆指斥鴻章之作。當時對台北淪陷，主因在淮軍內渡，知者尚多。（註廿八）

（註廿四）李文忠公電稿 卷二十 頁六十五

（註廿五）李文忠公電稿 卷二十一 頁九

（註廿六）清季外交史料 卷一零七 頁十五

（註廿七）嶺雲海日樓詩鈔 卷五 頁廿三

（註廿八）如王錫祺台灣近事末議即云：「唐撫軍爲義民所推，尊爲總統，因淮軍受賄，倒戈相向，倉皇攜資內渡。」小方壘臺灣地圖 繢集第九帙。

以上爲甲午戰役中翁李二派相傾之一幕。吾人今日覆按史實，殊不欲於兩者之

是非曲直，更置一詞。顧一國之中，而有對立之二派，各作外交活動，則必授人以隙。甲午我國之敗，未必不由於此。清季自太平天國亂後，大權旁落督撫，有此怪現象發生，原不足異。惟前事不忘，後事之師，讀史至此，亦宜有所警勉也。

## 二

雖然，台灣民主運動之失敗，固尚有內在的原因，如守備之廢弛，抗日情緒之低落，均足使自主運動，絕無成功之希望。

淮軍內渡後，台灣守備兵力約三萬三千餘。（註廿九）槍枝配備，爲式樣不一之毛瑟，黎逸，雲者斯達步槍，用黑色火藥，以觀日方士兵之配有村田式槍，用無烟火藥者，遠爲不及。然作戰勝敗，非盡決於武器；台軍之致命傷，尤在其軍隊組成分子之複雜及作戰情緒之低落。（註三十）台軍包含粵勇，土勇，客民等。當時台灣人民，除蕃族外，多爲閩粵二省移民。閩人抵台開墾，其事在先，故多占居沿海區域。粵人移居較後，多客籍，所居接近蕃界。閩人以客庄目之，土客名稱之分，即由於此。其實皆台灣土著也。（註卅一）以作戰情緒論，廣東最爲低落。（註卅二）土勇與客軍因保衛鄉土，精神較佳，但景崧未知加以利用，任用粵勇，本爲景崧一貫之方略，彼任籌司辦軍務，即首定增募粵勇五十營之計畫。既爲巡撫，從唐鏡沅議，使吳國華掣銀二十萬兩內渡募勇。吳本質博無賴子，後爲盜，有司出花紅緝捕，景崧竟誤信爲大俠。（註卅三）授以事權，欲使之遠襲日本，（註卅四）初議募粵勇萬數千人，用民船襲日，後因和議遣散。乙未四月，景崧決意守台，始再招集。（註卅五）四月，吳國華率三千人渡台，而虛籍復多，實只二千人。途中遇風收鹿港，一部分爲劉永福截阻，其抵台北者，只乘新福建輪船之數百人。（註卅六）景崧乃深倚重，調守台北門戶之獅球嶺。結果日軍登陸後，吳國華與土勇爭功，竟棄三貂嶺不守。其後兩次接仗，均失期不能接應。台北因之不守。景崧內渡後，吳與胡友勝率所部千餘向新竹方面退却，沿途劫掠。結果爲中樞一帶台民圍擊，卒被殲滅。（註卅七）

（註廿九）日參謀本部編 日清戰史第七卷附錄百九 係乙未五月中旬調查。

（註三十）H. B. Morse: International Relation, vol. 3, p.49. 此畫作者時在淡水海關

任職會代唐景崧致信李經方，警告其不可登岸，書中所述俱所目睹，故有第

## 一手史料價值。

(註卅一)日清戰史第七卷第四十二章 台灣「賊徒」行動篇 頁三五八。

(註卅二)據 Morse 紀載，一士兵曾告彼：無心為民主國作戰，只靠老百姓。

(註卅三)俞明震：台灣八日記 左舜生：中國近百年史資料續編 頁三一二。

(註三十四)唐致張之洞電，張文襄公電稿卷二十頁二 景崧對用民船襲日，曾積極進行；派浙人程承濂赴日探視，又欲使廖西人楊兆年領兵攻日（俱見張文襄公電稿十九）此皆景崧無識處。

(註三十五)唐景崧上李鴻藻書。

(註三十六)東方兵事紀畧中國近百年史資料續編本頁二二九註

(註三十七)日清戰史第七卷第四十二章頁三七一。

台北軍備之脆弱如此，故日軍登陸甫四日，而局面已土崩瓦解。景崧以外援不至，而素所倚重之粵勇又不堪一擊。加以惑於日人重賞購頭之謠言，(註卅八)遂倉皇乘漁舟內渡，逃赴上海。(註卅九)雖經張之洞電勸繼續抵抗，俞明震高爾伊代劃退守新竹，就林朝棟圖再舉之策，(註四十)而景崧已成驚弓之鳥，認定事無可爲，放棄作戰矣。(註四一)

綜上所述，則台北之亡，景崧應負極大之責任，其中道逃去，尤無以取諒於台民。景崧事後解釋其不退守新竹之原因云：

(註三十八)此黃義德謠傳謂日人以六十萬金購景崧頭，俞明震已辯其非(台灣八日記)  
景崧致書李鴻藻時猶信之。

(註三十九)唐景崧致李鴻藻書：「崧坐漁舟得出，僅以身免，不敢徑赴閩者，恐冒弁勇丁無理滋擾，又因眷屬寄寓江南，懇南皮代奏」。各書咸謂景崧內渡，乘時輪，似非是，俞明震內渡即乘櫂時，未言見景崧，亦可証。

(註四十)俞氏電策，見台灣八日記 高爾伊任基隆前敵營務處，其致景崧函，見袁昶于湖題襟集卷三(文)

(註四一)景崧內渡後頗受攻擊，旋由張李等斡旋朝旨休致回籍，遂返桂。

「雖只基隆一隅，而已經割棄之區，一挫則人心瓦解，與昔年法人之役失

基隆後尚能守台北者,情形迥殊,意欲退守新竹,而餉械本屬無多,並此而不能通,精華既竭,縱欲支持,數月終歸於盡。……〔註四二〕

其言固亦洞中時勢,然苟早料及此,何勿率先內渡,「早讓以全民命」。(李鴻章語)至此而始舍去,爲一已計則巧,然於台局則無補矣。許南英窺園留草有云:

「請纓日記筆如椽,紙上談兵是汝賢」。(註四三)

即爲景崧而發,語雖尖刻,然實可代表台民對景崧之不滿也。

### 三

台北雖告覆亡,而劉永福仍守台南,台南紳民迎劉至安平鎮主持。雖仍稱辦不用總統之稱,而議院組織猶存,且選出七人委員會主持政務。(註四四)則民主國之局面仍部分存在,吾人對其興亡,亦不可不畧爲述及。

台南局面之維持,當時急待解決者爲軍事問題及財政問題。其後之崩潰,亦即由於軍事崩潰及財政竭匱。茲依次述之。

乙未五月,台北覆亡時,台南財政處,存款僅廿萬左右。(註四五)此數實不敷應用,乃由議院集議發行紙幣,適當現銀,分一元,五元,十元三種,軍餉及政府支出悉用之。前後所發,凡二十五萬數千兩。(註四六)同時又印行印花,除增加收入外,並可杜絕私函。前後印行二次,第一次五千份,第二次八千份。當銀三分,五分,十分不等。上皆有台灣民主國並躋虎章,一時通行。(註四七)此外,鳳山鹽商,又集餉十一萬兩。(註四八)有此數項收入,台南政府,乃得暫時維持。此台南政權初期財政之大概也。

(註四二)唐景崧上李鴻藻書。

(註四三)窺園留草 頁六十六 無題六首之一

(註四四)North China Daily Herald, Special Correspondence from Tainan, Sept. 1st 1895.

(註四五)劉永福歷史草 頁一九零

(註四六)東方兵事紀畧 頁二四零

(註四七) North China Herald, Sept. 1st. 1895. 又參見東方兵事紀畧 頁二三四

(註四八)吳樹林先生自述 此書未見,從羅香林先生劉永福歷史草轉引。

黑旗軍之再渡台，實力已非越南之舊。暮氣已深，不勝一般期望。前敵戰事，皆委之台中義民。義民中一部分為邱逢甲舊部，一部分則為民勇，日軍既占台北，暴行漸彰，台民不堪壓迫，多結隊苦戰，憑籍竹園掩蔽，施行游擊戰術，日軍每為所苦。其著者如西七月十三日，日櫻井小隊遇伏於三角湧，三十二人中只四人生還，另一部分亦於二甲莊陷圍，日兵四人化裝土人回新竹求救，日軍以主力援救，經四日苦戰，並施用火攻，始得解圍。共耗子彈六萬二千餘發，死傷百餘人，為日軍在台作戰最劇烈之一役。至今日軍歌有「三角湧三十士」，即述是役之經過也。（註四九）台中義民苦戰，為台南屏蔽，加以台灣在雨季中，西南季候風甚烈，日海軍進攻不便，台南在軍事上遂亦得勉強渡過。

台南議院所發紙幣，其始可在官銀票局紳莊序端兌現，故得通用。其兌銀則仰望內地督撫之資助。閏五月間，張之洞使人通知劉永福，謂固守兩月，必有俄援。（註五十）其後所言不啻，屢奉清廷命中止援台，亦知劉永福兵力不足，不能成功，遂拒絕援助。僅閩督譚鍾麟接月發給若干欵項，永福其始特有內機，日樺山總督馳書勸以內渡，永福傳文書吳桐林却之，及後餉源漸竭，分遣桐林及猶子禹卿等至內地乞援，又親電之洞求助，詞甚卑切，至八月八日轉諭張之洞電云：

「守台之舉，出自閣下義勇，鄙人並未置詞，至守台二月，俄即來援之說，實係訛傳，俄國在北，如何能顧及台灣，鄙人並未發此電，或去或留，仍請閣下自酌，鄙人不與聞，自協濟餉械，屢奉一諭旨嚴禁，萬不敢違，愧歉萬分，務期原諒。」（註五一）

（註四九）蘇聯濟之助：台變史下樺山大將 頁八二三至四， 日清戰史第七卷第四十章第三節， 日清戰史於台灣義民作戰，敘述甚詳，茲以無關本題，不備引。

（註五十）張文襄公電稿卷廿三載永福致之洞電云：「俄助係五月間賴船年云奉公命寄蔡嘉穀轉台……今若難接濟，亦乞寄餉遣散六十營弁勇……乞公始終成全，並賞輪船，俾福安然內渡，……不敢忘前後大德，閩督將軍尙肯月月接濟不輟，但無多耳，望公垂憐。」

（註五一）張文襄公電稿 卷三

此電漸釘截鐵，且推卸一切責任。此電一傳，台南銀票信用暴落，中外商人均持票兌銀，金融混亂，議院乃更發債票，約事平後每一元還金五元。同時為防止人心散換，施行離境稅則，凡離台境者依其財產額，分別徵收二元至六元之稅額。（註五二）此等臨時辦法，對財政自不能有根本之解決。

同時軍事方面，黑旗軍亦潰敗相尋。六月底日軍進迫彰化，初與黑旗軍接觸。永福欲遣軍北援，諸將無可恃者，文案吳彭年毅然請行。領數營馳救，與邱逢甲舊部吳湯興共守彰化東之八卦山。其地素稱天險，堡壘有克虜伯式後膛十二生的砲四門，其他各式山砲共四百一十門。乃七月初九日晨，日軍進攻時，黑旗軍竟不戰自潰。僅二小時，堡即陷落。吳彭年與吳湯興力戰而死。日軍傷亡九名，黑旗軍損失六百。（註五三）自此前軍銳氣益挫，日軍旋以天氣好轉，組成南進軍進攻台南。近衛師團由彰化南下，第四混成旅團及第二師團，則由海軍掩護登陸。八月廿一日（西十月九日）嘉義陷落。永福乃決心放棄抵抗。

（註五二）North China Daity Herald, Special Correspondent from Tainan. Sept. 1  
1895.

（註五三）八卦山一役戰況，見 North China Herald, Sept. 14, 1895. 及日清戰史第七卷，頁一八三至四，許南英先生襄園留草「弔吳季羨參謀」詩序亦宜參看。（三十三）

八月廿三日，永福託英領事向樺山致書求和，英領事乘彼克號代送與日艦隊。同日永福又託英僑二名，携另一請和書交嘉義日軍司令。（註五四）請求日軍優待其部下，並以船送之內渡。日軍司令拒絕其請求，惟指定於廿四日正午在安平口日艦上會見永福，蓋日方之意，不願探議和方式，而欲使永福投降也。永福得報，為自身安全計，不敢往登日艦（註五五）遂變計潛逃返國。八月廿七日，打狗砲台陷落。永福假巡視為名，移駐安平砲台。九月初二日晨，由英輪爹利士號內渡。日海軍司令有地覺之，命八重山艦追及，搜索二次，均不得永福。永福遂返抵廈門。（註五六）當日任浪速艦長發出追蹤命令者，即日後名聞天下之東鄉平八郎也。

永福既去，次日黑旗譁潰，相率逃入洋界，委棄軍械於關署鴉片煙倉，九月初四日，長老會教士花格臣等二人受台民之託，出城致降書於日將乃木。黑旗軍降者五千人。（註五七）日軍待之甚酷，降卒糧食固無，食水亦缺乏，日軍且有殘殺俘虜者。由初五日起俘虜分批送返廈門，餓均垂斃，其覆舟淹斃者亦多。（註五八）台灣民主國之痕迹，自是盡掃無餘。然地下志士五十年之艱苦鬥爭，則方從茲開始也。

## 四

綜上所述，則台灣民主運動之所以失敗，其故至爲明瞭。運動不植基於民心，而欲借助外力，根本已屬錯誤。領導方面，文武官吏俱陷動搖。對軍事之廢弛，財政之混亂，絕無補救。紳士方面有持觀望態度之一派如林維源等，後卒與日本合作。（註五九）其能如邱逢甲許南英等之始終表示反抗者，已十無二三。唯農民方面，雖土客間有爭執，尙能同仇敵愾，憑據地利，稍與日軍以創傷，不致如正規軍之甫戰即潰耳。歷來中國統治階級，於外侮之來，非俯首屈辱，則務爲大言，侈稱抵抗，真正抗敵，則委之人民，幸而獲濟，則恬不知耻，攫取民衆鮮血換來之果實。亦非僅乙未台灣一役爲然者矣。

三十五年十一月廿四日寫完

（註五四）永福致書日軍求和事，羅香林先生於劉永福歷史草（頁二〇一至二〇二）中力辯其虛，並謂許地山師「蹇闡先生詩傳」中所述永福求和並令台南解嚴爲失實。今按永福所致日軍當局各函件，日清戰史附錄百十四至百十六曾載之，可以覆按，即謂此爲敵國誣辭，而中東戰紀本末（卷四頁七十三）亦曾登載。而字林星期週刊十一月一日特約通訊，且明記致書兩英人之姓名。及其進行經過，則永福致書求和事，似可謂已由中日英三方面史籍，加以証實。窃意永福以綠林之傑，起自粵西，而能自拔於吳亞終黃崇英之上，立功立事，其人已足千古。渡台以後，暮氣已深，其對日之前倨後恭，蓋爲張文襄所誤，不足深責。唯至最後一刻，不能毅然負起責任，乃棄軍潛逃爲一玷耳。論人貴得其實，香林先生爲客籍先民表揚光烈，似正無須爭此區區也。

（註五五）劉永福歷史草頁一二〇永福曾請日方予以安全担保，方允登艦，但被拒絕。

（註五六）永福內渡情形各書紀述不同，大抵變裝匿伏。有謂永福挾款歸國者，羅香林

先生亦爲辯訛，按許地山師「窺園詩傳」指永福挾餉，乃據窺園留草三十三頁無題六首中之第四首，（原有「腰纏有客號知幾，官帑搜羅十萬歸」之句）爲許南英當事人之紀述，非僅好事臆造，唯孤証尚難成立，當時內渡諸人，如邱如唐，均蒙輩金之誚，其間有傳聞失實者。今依此例於劉事亦表存疑，更俟後來之研究。

(註五七)中東戰紀本末 卷四 頁七十 Letter from Fergusn to a friend Oct. 24,

1895, quoted from Johnston, China and Formosa P. 326.

(註五八)同上

(註五九)窺園留草九十七頁輓友詩可窺見台灣一部紳士戀產變志之事實。

